



18. oktoberi 2016

UKA2016/82

Inatsisartut aalajangiiffigisassaattut siunnersuutigineqarpoq, Naalakkersuisut peqquneqassasut danskit inatsisit attortinneranut ministerianut attaveqassasut Kalaallit Nunaanni Eqqartuussiveqarneq pillugu inatsip allanngortinnejarnissaa pillugu. Allannguut periarfissaqartitsilissaaq hashi-mik pinerluttoqarsimatillugu aamma allatigut peqqarniitsumik pinerluttoqarsimatillugu, politiit ilisimannittunik illersuinissannut, taamaaliornikkut unnerluussamut taassumallu illersuisuanut ilisimannittup aqqanik kalerriussinngissinnaallutik.

(Inatsisartunut ilaasortaq Steen Lynge, Atassut)

Inatsisartunut ilaasortaq Steen Lynge Atassut, inatsisartunut aalajangiiffigisassamik siunnersuuteqarpoq tassalu Naalakkersuisut peqquneqassasut danskit inatsisit ministerianut attaveqassasut hash-mik pinerluttoqarsimatillugu politiit ilisimannittunik illersuinissaannut tamannalu oqaaseqarfigissavarput.

Nunatsinni angaajaarniutnik atuinerput annertoqaaq tamannalu ilungersunartutut Partii Naleqqamiit isigaarput atuinerullu allangortinnejarnissaanut suliniutit suulluunniit pitsaaliuinernut tunngasut tamakkiisumik tapersorsorpagut.

Nunatsinni inuuusuttut ikiaroornartunik atuinerat ilungersunartutut isigaarput tassami aamma inuttut ajornartorsiutigut annertuut arlalissummata matumanilu ikiaroornartoq ajornartorsiutinut annertuumik aallaaviusoq taamatullumi oqartarneq uniorpallaarunanngilaq.

Politiit sulinerisa nukittunerulernissaat anguneqassappat taava ilisimannittut annertuumik pisariaqarput. Taamatullu apuussaqarnermi aternik isertuussisinnaanerit inatsimmik illersugaalluni tungavilimmik atuutsinneqarnissaanik kissaatigisaqarneq tamakkiisumik taperserparput.

Taamatut oqaaseqarluta siunnersuut ataatsimiititaliami susassaqartumi suliarineqarnissaa innersuussutigaarput.

Hans Enoksen